

Lajčak se susreo sa ministrom vanjskih poslova Hrvatske Jandrokovićem



<?xml:namespace prefix = o ns = "urn:schemas-microsoft-com:office:office" />Visoki predstavnik i specijalni predstavnik EU, Miroslav Lajčak, sastao se danas u Sarajevu sa hrvatskim ministrom vanjskih poslova i europskih integracija, Gordanom Jandrokovićem. Visoki predstavnik i specijalni predstavnik EU informirao je ministra Jandrokovića o trenutnoj situaciji u Bosni i Hercegovini i posljednjim dešavanjima u vezi sa ključnim reformama koje je potrebno provesti kako bi BiH potpisala Sporazum o stabilizaciji i pridruživanju.

Visoki predstavnik i specijalni predstavnik EU pozdravio je konstruktivnu ulogu Hrvatske u pogledu rješavanja svih preostalih bilateralnih pitanja između Bosne i Hercegovine i Hrvatske te je istaknuo Hrvatsku kao pozitivan primjer u regionu kada su u pitanju procesi evropske integracije.

Ministar vanjskih poslova Jandroković je izrazio kontinuiranu punu podršku Republike Hrvatske radu visokog predstavnika/specijalnog predstavnika EU. Apelirao je da svi dogovori u BiH moraju da zaštite prava i interese Hrvata u BiH. Ministar Jandroković je izvjestio visokog predstavnika i specijalnog predstavnika EU o iskustvu Hrvatske u procesima euro-atlantskih integracija te ponudio prednosti hrvatskih iskustava u ovom pogledu.

Obojica su se saglasila da je evropska budućnost jedina istinska budućnost za zemlje jugoistočne Evrope.